

Bwrdd Taliadau Cynulliad Cenedlaethol Cymru

Cofnodion: WRB (13) 22 Mehefin 2012

Amser: 08:30–14:30

Lleoliad: Ystafell Gynadledda 4B

Aelodau'r Bwrdd

Y Gwir Anrh Syr George Reid (Cadeirydd)

Sandy Blair

Mary Carter

Stuart Castledine

Monojit Chatterji

Eraill

Adrian Crompton (Cyfarwyddwr Busnes y Cynulliad)

Keith Bush (Prif Gynghorydd Cyfreithiol)

John Chick (Pennaeth Cymorth Busnes i'r Aelodau)

Dominic Houlihan (Rheolwr Gwasanaethau Cwsmeriaid)

Martin Jennings (Arweinydd y Tîm Ymchwil)

Kerry Dearden (Uwch-swyddog Ymchwil)

Staff cymorth y Bwrdd

Carys Eyton Evans, Clerc

Dafydd Kidd, Dirprwy Glerc

Eitem 1: Cyflwyniad y Cadeirydd

- 1. Croesawodd y Cadeirydd y Bwrdd i'w drydydd cyfarfod ar ddeg. Nododd y Bwrdd benodiad diweddar Mike Snook fel Pennaeth Rheoli Cyfleusterau ac Ystadau a chadarnhaodd Mike y byddai'n parhau yn ei swydd fel Pennaeth Cymorth Busnes i'r Aelodau dros dro nes bod John Chick yn dychwelyd yn yr Hydref.**
- 2. Eglurodd Stuart Castledine ei fod wedi bod mewn cinio a gynhaliwyd PricewaterhouseCoopers, a oedd yn gysylltiedig â'i gyflogaeth flaenorol. Cydnabuwyd hyn gan aelodau'r Bwrdd, ond nid oeddent yn bryderus ynghylch y gweithgaredd a nodwyd oherwydd bod gwaith diweddar y Bwrdd gyda PricewaterhouseCoopers wedi'i sefydlu yn dilyn cystadleuaeth.**

Cofnodion y cyfarfod blaenorol

3. Adolygwyd cofnodion y cyfarfod ar 23 Mawrth 2012, a chytunwyd arnynt ar ôl gwneud nifer o fân ddiwygiadau a awgrymwyd gan y Bwrdd. Mae'r diwygiadau'n cynnwys:

- a) Ail-eirio paragraff 7, i egluro ei fod yn fersiwn ddrafft o baragraff 5.1.2, y cytunwyd arno, yn hytrach na fersiwn derfynol.**
- b) Diwygio paragraff 24 i amlygu ymrwymiad y Bwrdd i ystyried 'cyd-destun Cymru' wrth edrych ar Dâl Cyflawn.**

Eitem 2: Adolygu'r adborth a gafwyd yn dilyn cynigion i newid aros dros nos 20 o weithiau

4. Cadarnhaodd y Cadeirydd fod y Bwrdd wedi ymgynghori ynghylch dyrannu mwy o arosiadau dros nos i Aelodau o Ddwyrain Abertawe a lleihau'r dyraniad ar gyfer Aelodau pob etholaeth arall o fewn yr ardal fewnol. Gwelodd fod cefnogaeth gyffredinol i'r egwyddor o newid y dyraniad ar sail yr angen, ac i'r cynnig i newid y dull o fynegi'r llety dros nos yn swm cyllidebol. Gorffennodd drwy dynnu sylw'r Bwrdd at adborth a oedd yn galw am gynnal adolygiad o'r modd y diffinnir yr ardaloedd allanol a mewnol, a soniodd am alwad i ystyried cyfrifiad 'braich reiddiol' mewn penderfyniadau yn y dyfodol.

Mynegodd y Bwrdd ei amharodrwydd i ganiatáu i Aelodau ddefnyddio nifer fwy o arosiadau dros nos yn lle prydau bwyd, ac amlygodd yr egwyddor o ad-dalu treuliau a wariwyd yn benodol fel cyfiawnhad dros hyn. Yn unol â hynny, cytunodd y Bwrdd y dylid parhau i gyflwyno anfonebau ar gyfer ad-daliadau am brydau bwyd, ac y dylid eu cadw ar wahân i'r gyllideb ar gyfer llety dros nos.

4.1 Bu'r Bwrdd yn trafod geiriad y penderfyniad yn ymwneud ag ad-dalu am lety dros nos ar gyfer Aelodau sy'n aros gyda 'Ffrindiau a theulu'. Ystyriodd y Bwrdd y posibilrwydd o newid hyn i adlewyrchu natur anfasnachol y trefniadau hyn yn well, a gofynnodd i'r Tîm Cymorth Busnes i'r Aelodau ymchwilio i ba raddau y mae llety o'r fath ar gael yng Nghaerdydd, a'r risgiau sy'n gysylltiedig â threfniant o'r fath cyn gwneud rhagor o benderfyniadau.

Eitem 3: Adolygiad o Gyflogau Staff Cymorth yr Aelodau

Ailadroddodd y Cadeirydd y dull ar sail egwyddor a fabwysiadwyd gan y Bwrdd wrth adolygu'r Penderfyniad, a phwysleisiodd y dylai

hyn barhau. Cytunodd y Bwrdd y byddai'n hanfodol ymgysylltu'n briodol â rhanddeiliaid yn yr adolygiad o gyflogau Staff Cymorth yr Aelodau, ac y byddai hwn yn gyfle i'r Bwrdd ddatblygu'r berthynas a oedd ganddo eisoes fel rhan o'i waith gydag Aelodau a staff hyd yma.

5.1 Cyflwynwyd y papur ar gyflogau Staff Cymorth yr Aelodau gan Mike Snook a nododd y Bwrdd ei fod wedi ymrwymo yn y gorffennol i:

- a) adolygu lefel y taliadau a gynigiwyd i Staff Cymorth yr Aelodau; ac**
- b) adolygu'r cymorth sydd ar gael i'r Aelodau mewn modd mwy sylfaenol.**

5.2 Nododd y Bwrdd y tri opsiwn ar gyfer adolygu a ddarparwyd yn y papur a daeth i'r casgliad y byddai'r dull a ffefrir yn hwyluso dadansoddiad manwl o'r rolau yr ymgwymerir â hwy ar hyn o bryd gan Staff Cymorth yr Aelodau a faint o gymorth a ddarperir i'r Aelodau ar hyn o bryd, heb fynd i gostau gormodol. Cytunwyd y byddai'r dull hwn yn ei gwneud yn ofynnol i aelodau'r Bwrdd gynnal cyfres o gyfweiliadau strwythuredig gyda thrawstoriad o Staff Cymorth yr Aelodau drwy Gymru er mwyn cael adolygiad cynhwysfawr o'r cymorth.

5.3 Yn dilyn trafodaeth fer ar logisteg casglu'r dystiolaeth angenrheidiol fel rhan o'r adolygiad fel y nodir yn Opsiwn 3, nododd y Bwrdd mai Ebrill 2013 yw'r dyddiad terfyn i gwblhau'r gwaith hwn a phwysleisiodd fod angen dechrau ar y gwaith paratoadol ar unwaith. Cytunwyd hefyd, yn ddelfrydol, bod yr adolygiad o'r cymorth cyffredinol i'r Aelodau yn cael ei gynnal ar y cyd â'r adolygiad o gyflogau Staff Cymorth yr Aelodau, ac y byddai, yn unol â hynny, yn cyfrannu at y broses o gasglu gwybodaeth, a nodwyd uchod.

5.4 Ystyriodd y Bwrdd y data meincnodi cyflogau diweddaraf, a ddarparwyd ym mhapur 3b, a daeth i'r casgliad y byddai'r ymchwil a wneir gan aelodau'r Bwrdd dros doriad yr haf yn rhoi mwy o eglurder o ran ei ddilysrwydd at ddibenion meincnodi.

5.5 Bu'r Bwrdd yn trafod yr adborth anffurfiol gan rai Aelodau ynghylch trefniadau staffio, a chytunodd y byddai'n gofyn am dystiolaeth ysgrifenedig ffurfiol fel rhan o'r adolygiad staffio.

Eitem 4: Adolygiad o Bensiynau'r Aelodau

7. Mynegodd y Bwrdd ei fodlonrwydd â'r seminar dechnegol a ddarparwyd gan PricewaterhouseCoopers a bu'n trafod yr amserlen a'r dull ymgynghori priodol a fyddai'n angenrheidiol ar gyfer cyflawni'r gwaith hwn.
- 7.1 Cytunodd y Bwrdd y byddai'n ofynnol iddo ymgynghori ynghylch o leiaf ddau fodel ar gyfer adolygu cynllun pensiwn yr Aelodau ac y byddai angen cwblhau unrhyw waith ymgynghori mewn dau gam; yn gyntaf i ymgynghori ynghylch 'ffurf' cyffredinol y cynllun, ac yn ail i roi sylw i fwy o fanylion, gan gynnwys y gyfradd groniadau a chostau ac ati.
- 7.2 Bu'r Bwrdd yn trafod papur 4a a'r angen i lunio dogfen ymgynghori, yn seiliedig ar yr adroddiad a ddarparwyd gan PricewaterhouseCoopers ar ôl y seminar dechnegol, ac y dylai hwn gael ei roi i randdeiliaid allweddol cyn y gynhadledd arfaethedig ym mis Hydref. Cytunwyd y dylai cwestiynau allweddol yr ymgynghoriad gael eu hymgorffori yn nhestun y ddogfen.
- 7.3 Bu'r Bwrdd yn edrych ar restr o gyfranwyr posibl i'r gynhadledd, a dywedodd y dylid gwahodd ymddiriedolwyr y cynllun ac Aelodau sy'n cynrychioli pob plaid wleidyddol er mwyn sicrhau bod y trafodaethau yn dryloyw. Cafwyd trafodaeth ar ddull a fformat wedyn, a chytunwyd y dylai Cadeirydd y Bwrdd weithredu fel hwylusydd mewn trafodaeth rydd, sydd i gael ei llywio gan y materion a nodir yn y ddogfen ymgynghori.
- 7.4 Yna tynnwyd sylw'r Bwrdd at bapur 4b ar Dâl Cyflawn a nododd, er gwaetha'r cais am ddata cymharol ar Dâl Cyflawn, nad oes dim data rhifol ar gael yn hawdd i'w gymharu'n ystyrlon â rôl Aelodau'r Cynulliad. Tynnodd Mary Carter sylw at anawsterau pellach o ran dod o hyd i ddata dibynadwy ar gyfer cyfrif Tâl Cyflawn, a nododd fod gyrfaodd cymharol fyr Aelodau'r Cynulliad yn ffactor a fyddai'n cyfrannu at hyn.
- 7.5 Bu'r Bwrdd yn ymchwilio i'r posibilrwydd o annog astudiaeth academiaidd ar dâl cyflawn Aelodau'r Cynulliad o'i gymharu â chymaryddion priodol ar draws y sectorau cyhoeddus a phreifat, a chytunwyd bod manteision posibl o wneud hynny.
- 7.6 Diolchodd y Bwrdd i Kerry Dearden am ei gwaith ar Dâl Cyflawn, a daeth i'r casgliad nad oedd angen rhagor o waith yn hyn o beth am y tro.

Eitem 5: Cyflogau Ychwanegol i Gadeiryddion Pwyllgorau

8. Eglurodd Adrian Crompton fod Pwyllgor Busnes y Cynulliad wedi sefydlu Pwyllgor i Graffu ar Waith y Prif Weinidog, ac y byddai Pwyllgorau'n cael eu sefydlu mae'n debyg, i Graffu ar Filiau Preifat pe bai unrhyw Filiau Preifat yn cael eu cyflwyno i'w hystyried gan y Cynulliad. Bu'r Bwrdd yn trafod a oedd angen iddo wneud penderfyniadau ar unwaith ynghylch taliadau i Gadeiryddion y Pwyllgorau hyn, ac os felly, ar ba sail y dylid rhoi unrhyw daliad. Tynnwyd sylw'r Bwrdd at natur anaml ac annisgwyl y busnes sy'n debygol o gael ei ddwyn gerbron y pwyllgorau hyn a'r anhawster i asesu lefelau cyfrifoldeb pob Cadeirydd unigol. Nododd y Bwrdd hefyd y byddai'r Dirprwy Lywydd yn cadeirio'r Pwyllgor sy'n gyfrifol am Graffu ar Waith y Prif Weinidog.
- 8.1 Daeth y Bwrdd i'r casgliad y byddai gwneud penderfyniad ar y mater hwn, yn arbennig o ran Pwyllgorau Biliau Preifat, yn anodd heb achos gwirioneddol i'w ddefnyddio fel pwynt cyfeirio. Felly, penderfynodd y Bwrdd i ohirio'r mater hwn nes y byddai modd cyflwyno achos gwirioneddol i'w ystyried.

Eitem 6: Adroddiad Blynnyddol y Bwrdd Taliadau

9. Rhoddodd y Bwrdd ei sylwadau ar yr Adroddiad blynnyddol drafft ar gyfer 2011-2012 a chytunodd i'w gyhoeddi, yn dilyn gwneud nifer o fân ddiwygiadau.

Ysgrifenyddiaeth Mehefin 2012